




UTM
UNIVERSITI TEKNOLOGI MALAYSIA

School of Human Resource Development & Psychology
FACULTY OF SOCIAL SCIENCES AND HUMANITIES

ETIKA DAN PERADABAN DALAM KEPELBAGAIAN TAMADUN: ISLAM & MELAYU

DISEDIAKAN OLEH:

DR. FAIZAH MOHD FAKHRUDDIN





OBJEKTIF PEMBELAJARAN

01

Memahami tentang hubungan citra semesta (*worldview*) dengan etika di dalam tamadun Islam dan Melayu.

02

Mengetahui tentang isu-isu etika dan peradaban dalam tamadun Islam dan Melayu.

03



Menghayati nilai-nilai murni dalam tamadun Islam dan Melayu.



TAMADUN ISLAM



Timeline Style




ETIKA DARI PERSPEKTIF ISLAM


- Etika Islam adalah dikaitkan dengan istilah '*akhlaq*' atau jamak daripada '*khuluq*' di dalam bahasa Arab.
- Daripada sudut bahasa, ia bermaksud sikap, tabiat, budi pekerti, perangai, dan tingkah laku (Mohd Liki Hamid & Rosnaaini Hamid, 2002: 108).
- Dari sudut istilahnya pula, ia dapat dimaksudkan sebagai tingkah laku semulajadi atau kebiasaan individu yang dipancarkan hasil daripada keadaan jiwa seseorang individu tersebut serta tanpa pertimbangan pemikiran terlebih dahulu (Abul A'la al-Maududi, 1967: 20).

SUMBER ETIKA DALAM ISLAM

Al-Quran

Al-Sunnah





- Islam melihat bahawa etika itu bukanlah hasil daripada timbangtara, pemikiran atau kebijaksanaan manusia biasa.
- Hanya Allah s.w.t serta RasulNya sahaja yang mempunyai autoriti terhadap sistem etika ini.
- Prinsip tauhid - Allah Pencipta semesta alam.
- Setiap anjuran dan segala laranganNya wajib ditaati atau dijauhi.
- Insentif & penalti.




PRINSIP UTAMA DALAM ETIKA ISLAM

01

Etika selari dengan fitrah manusia.

02

Etika mestilah selari dengan *al-din* (agama).



03

Etika membicarakan tentang dua dimensi sikap manusia.


04

Etika menyantuni hubungan manusia secara personal dan interpersonal.



1. AMANAH

- Dari segi bahasa, amanah bermaksud aman, damai, tenteram, selamat dan harmoni.
- Secara istilahnya, amanah bermaksud menyerahkan tanggungjawab kepada seseorang yang berhak menerimanya dan dipercayai agar melaksanakan tanggungjawab tersebut dengan jayanya tanpa mengabaikannya (Andi Mohamad, 2015: 2; Azman, 2002: 94).



Amanah

Terhadap Allah

- Sebagai hamba: taat kepada perintah Allah dan menjauhi laranganNya.
- Sebagai khalifah: memelihara, memakmurkan serta membangunkan bumi agar lebih sejahtera.

Terhadap Rasulullah SAW

- Untuk memelihara, menghargai, mencontohi serta mengamalkan segala sunnah Rasulullah s.a.w.

Terhadap diri sendiri

- Lahiriah: menjaga kesihatan, kebersihan & memberi hak pada anggota pancaindera.
- Rohaniah: anggota pancaindera digunakan untuk beribadat dan bukannya untuk perbuatan sia-sia & dilarang.

Terhadap orang lain

- Setiap manusia itu mestilah menjalankan amanahnya terhadap masyarakatnya sama ada dari sudut perkhidmatan, saling tolong-menolong, bekerjasama, bersikap ihsan, bercakap benar serta mengeluarkan zakat dan bersedekah.

2. TOLONG-MENOLONG

- Orang Islam berkewajiban menolong sesama manusia di dalam tiga kategori iaitu, menolong para kerabatnya (keluarga), menolong jiran sesama Islam serta menolong jiran bukan Islam (Azman, 2002).
- Misalnya, sikap orang Ansar menolong orang Muhajirin.




3. PEMURAH

- Bersikap pemurah dapatlah diertikan dengan amalan membelanjakan hartanya di dalam hal-hal yang dituntut oleh syara' (Azman, 2002: 91).
- Ia terbit daripada pengorbanan iaitu pengorbanan dari sudut membelanjakan serta mewakafkan harta dan menderma di jalan Allah s.w.t. dengan ketulusan hati tanpa mengharapkan apa-apa ganjaran atau pujian.
- Impak:
 - membersihkan hati sang pemberi harta daripada segala sifat riak, sombong dan bongkak di atas pemilikan hartanya.
 - menanam sikap saling sayang-menyayangi serta prihatin terhadap sesama insan.
 - Status ekonomi masyarakat akan maju.
 - Membasmi kemiskinan & kadar jenayah.

4. SABAR

- Dari sudut bahasa, sabar dapat diertikan sebagai menahan diri.
- Secara istilahnya, ia merujuk kepada menahan atau menanggung diri daripada melakukan perkara-perkara jelik yang didorong oleh nafsu kepada perkara-perkara yang disukai dan diredhai oleh Allah s.w.t. (Azman Mat Zain, 2002: 93).
- Dunia ini dianggap sebagai pentas di mana manusia itu diuji dengan pelbagai rintangan dan pancaroba hidup sama ada dari sudut kewangan, kesihatan dan sebagainya.
- Jiwa perlu dididik supaya menjadi kuat dan kental dalam menghadapi segala ujian Allah s.w.t di dunia ini.
- Orang yang hilang sabarnya akan memperlihatkan amarahnya, berputus asa serta menyalahkan takdir di atas kesusahan yang ditimpakan ke atasnya.
- Sebaliknya, orang yang bersabar akan diberikan ganjaran amat besar kerana ia adalah satu sikap yang menunjukkan keimanan serta ketakwaan yang tinggi terhadap Penciptanya.



TAMADUN MELAYU






PETA TAMADUN MELAYU

- Tamadun Melayu adalah salah satu Tamadun Kepulauan (Archipelagic Civilisation) yang tertua.
- Ia berkembang dalam Gugusan Kepulauan Melayu yang terletak di pelangkahan Khatulistiwa serta berpangkal daripada Semenanjung Tanah Melayu yang melunjur daripada Tanah Besar Benua Asia.
- Secara zahir, Alam Melayu adalah gugusan pulau-pulau serta Semenanjung Tanah Melayu yang didiami oleh rumpun bangsa Melayu semenjak zaman berzaman.
- Kepulauan ini serta lautan dan selat antaranya juga dikenali sebagai NUSANTARA (Nusa-antara-lautan).

- Peradaban yang tua inilah yang menjadi teras dan tunggak kepada negara-negara moden di Alam Melayu yang ada sekarang.
- Di sinilah berkembangnya satu rumpun bangsa Melayu, satu keturunan baka (DNA), satu bahasa dan satu ragam budaya.
- Dengan landasan hidup sedemikian, mereka melahirkan suatu Peradaban Kepulauan yang tersendiri dalam susila Peradaban Melayu yang lahir daripada pengalaman dan citra semesta kemanusiaan yang asli.



ETIKA DAN ADAT

- Adat dari segi bahasanya adalah bermaksud kebiasaan ataupun sesuatu yang tidak bersifat kebendaan (Soleman, 1987).
 - Dari sudut istilahnya pula, ia dapat ditakrifkan sebagai satu sistem atau panduan tingkahlaku yang diterima dan digunakan secara turun-temurun dan diperakui oleh masyarakat akan amalannya sehingga dianggap sebagai satu tradisi yang perlu dilestarikan (Norazit, 1997).
- 



FUNGSI ADAT





1

Panduan bagi masyarakat Melayu mengatur perilakunya di dalam pelbagai institusi seperti institusi sosial, politik, ekonomi, undang-undang dan sebagainya.

2

Untuk menjamin dan memelihara keamanan, keharmonian serta kesejahteraan sosial agar kekacauan atau pergolakan dapat dielakkan.





Adat yang diadatkan


Peraturan, hukum dan undang-undang yang diwariskan turun-temurun serta dipatuhi oleh masyarakat di dalam menjalani kehidupan sosial mereka (Mohd. Koharuddin, 2005).

Adat resam

Berbentuk lebih spesifik dan mengkhusus seperti kelaziman individu dari sudut perbuatan (Mohd. Koharuddin, 2005).


Ia adalah cerminan kepada pemikiran masyarakatnya yang bijaksana dalam menentukan peraturan berinteraksi sesama manusia yang bermatlamatkan permuafakatan, kerukunan dan ketenteraman. Disebabkan faktor sebeginilah masyarakat Melayu menyanjung tinggi adat ini agar keadilan dan kedaulatan undang-undang itu terpelihara.

Ini termasuklah segala jenis tingkahlaku yang diamalkan oleh masyarakat Melayu seperti cara berpakaian, cara makan, tatatertib di hadapan orang tua dan sebagainya.





ETIKA DAN ADAB

- Dari sudut bahasa, ia dimaksudkan sebagai budi bahasa yang halus dan juga tingkah laku dan tutur kata yang sopan (Kamus Dewan, 1994: 6).
 - Manakala, dari sudut istilahnya pula, ia diertikan sebagai tindakan atau perbuatan yang dipraktikkan secara wajar, tepat dan sesuai hasil daripada jasad, hati serta akal manusia yang terdisiplin (Hashim, 2008: 54).
- 

KEPERCAYAAN MASYARAKAT MELAYU

i. Animisme

- ❑ Satu kepercayaan yang mana meyakini bahawa setiap benda mempunyai roh, memiliki keperibadian tersendiri serta mempunyai kuasa dalam menentukan nasib seseorang individu (Taib Osman, 1977).


ii. Hindu-Buddha

- ❑ Berteraskan kepada keyakinan dengan kewujudan dewa-dewa yang berkuasa ke atas kehidupan manusia.
- ❑ Sistem kepercayaan Hindu-Buddha ini kuat mempengaruhi masyarakat Melayu pada zaman dahulu terutama di kalangan golongan istana. Misalnya, raja-raja dipandang mulia kerana mereka dikatakan sebagai jelmaan dewa-dewa.
- ❑ Justeru, mereka berhak diletakkan di kedudukan yang paling tinggi dek kerana statusnya bukan lagi dianggap taraf manusia biasa tetapi status dewa (Mohd. Koharuddin, 2005).

KEPERCAYAAN MASYARAKAT MELAYU

iii. Islam

- ❖ Masyarakat Melayu sebenarnya lebih kuat dipengaruhi oleh agama Islam.
- ❖ Kedatangan Islam bukan sahaja mencetuskan revolusi dalam mengubah pandangan masyarakat Melayu tentang keyakinan mereka terhadap kewujudan roh-roh, semangat serta dewa-dewa, bahkan ianya sekaligus mengubah stratifikasi sosial masyarakat Melayu iaitu daripada mempercayai bahawa raja itu adalah jelmaan dewa-dewa kepada khalifah (wakil Tuhan) di muka bumi.
- ❖ Maka, sebagai orang Islam, masyarakat Melayu berpegang kepada konsep *tauhid* iaitu mengEsakan Allah s.w.t tanpa menyamakan Dia dengan sesuatu yang lain dan hanya Allah s.w.t yang berhak disembah.
- ❖ Nabi Muhammad s.a.w pula diimani sebagai nabi terakhir yang diutuskan oleh Allah s.w.t dalam menyampaikan ajaran Islam.



SUMBER ETIKA TAMADUN MELAYU

Al-Quran

Al-
Sunnah

“

*Adat bersendikan hukum,
Hukum bersendikan syara',
Syara' bersendikan kitabullah.
Syara' mengata, adat memakai,
Ya kata syara', benar kata adat.*

”

1. HALUS BUDI PEKERTI DAN BAHASA

“

*Kalau hendak tahu orang berbangsa,
Tengok kepada budi dan bahasanya;
Dalam berkata berlemah lembut,
Dalam melangkah berpatut-patut,
Bila duduk tahu tempatnya,
Bila tegak tahu adatnya.*

”

2. MEMULIAKAN IBUBAPA DAN ORANG TUA

“*Apa tanda Melayu jati,
Mentaati ibu bapa sepenuh hati;
Apa tanda Melayu jati,
Kepada ibu bapa ia berbakti.*”





3. KESETIAAN KEPADA PEMIMPIN

“
*Elok kampung ada tuanya,
Elok negeri ada rajanya,
Adat hidup orang terhormat,
Kepada pemimpinnya ia taat.
Raja adil raja disembah,
Raja zalim raja disanggah.*”








4. MEMEMENTINGKAN MARUAH SERTA HARGA DIRI

*“ Adat hidup orang bertuah,
Aib dan malu dijadikan amanah,
Membawa diri tiada menyalah,
Malu duduk menengah-nengah,
Malu berdiri sombong dan pongah,
Berbuat kebaikan tiada gah,
Bercakap dengan berlembut lidah. ”*

5. BERMUAFAKAT & TOLONG-MENOLONG

“ Apa tanda hidup beradat:
Runding selesai dalam muafakat,
Hak ditakar, kewajiban disukat,
Mana yang jauh diperdekat,
Mana yang jarang diperapat,
Mana yang lupa diberi ingat,
Kata putus pendapat pun bulat,
Seia sekata ke laut ke darat. ”



6. AMANAH

*“ Orang amanah membawa tuah,
Orang amanah hidup bermaruah,
Orang amanah dikasihi Allah,
Siapa hidup memegang amanah,
Dunia akhirat beroleh berkat. ”*



KESIMPULAN

1

Terdapat banyak persamaan di dalam isu-isu etika yang dipraktikkan oleh kedua-dua tamadun Islam dan Melayu.

2

Keduanya bertunjangkan al-Quran dan al-Sunnah yang mendasari sumber etikanya.

3

Walaupun tamadun Melayu pada mulanya menerima pengaruh animisme serta Hindu-Buddha, namun ternyata prinsip-prinsip Islam lebih ditekankan dalam adat-adat yang menjadi garis panduan etika bagi masyarakatnya.

4

Ciri-ciri inilah yang melonjakkan kedua-dua tamadun ini mencapai zaman kegemilangan berabad lamanya kerana ia menekankan kemajuan dalam bentuk kebendaan & bukan kebendaan agar pembangunan dapat dikecapi secara holistik.





Terima kasih